

# BETTY THE VAMPIRE SLAGGER

Gregor Steele

(tae the tune o *Rudolph the Ridd-Nosed Reindeer*)

Betty the Vampire Slagger,

Widden stakes they wir nae use,  
She liked tae fleg the undeid,  
Jist by giein them dug's abuse.

Then yin dreich and muinless nicht,  
Wan vampire did say,  
“Ah’ve made a jag and awfie soon,  
Tae widden stakes we’ll be immune!”

Aw o the Vampire Slayers,

Thocht that she wis aff her heid,  
They used tae pelt puir Betty,  
Wi mingin dods o garlic breid.

Aw o the feartie Slayers,  
Shoutit fae the cludgie flair,  
“Gaun yersel wee Betty,  
Slag them aff fur ever mair!”

